



Komisija za izbor i imenovanja

Broj: 04-GV-02-1161/22
Sarajevo, 14.07.2022. godine

ZAPISNIK O RADU
29. SJEDNICE KOMISIJE ZA IZBOR I IMENOVANJA
ODRŽANE 14.07.2022. GODINE

Prisutni:

1. Nihad Uk, predsjedavajući
2. Vedad Deljković, zamjenik predsjedavajućeg
3. Drago Jurić, član
4. Biljana Lazarević, članica
5. Adi Škaljić, član
6. Elvedin Korora, član

Odsutni: Almedin Miladin, član

Sjednici iz Stručne službe Gradskog vijeća Grada Sarajeva prisustvuju:

- Mirjana Đanović Stanić, rukovodilac Stručne službe Gradskog vijeća Grada Sarajeva

Sjednici su, u ime gradonačelnice, prisustvovali

- Merima Hadžiabdić, šef odsjeka za suradnju sa zdravstvenim ustanovama
- Aida Bajramović, rukovodilac Stručne službe Gradonačelnice

Predsjedavajući Komisije je u 14.10 sati otvorio sjednicu, pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu 28. sjednice Komisije za izbor i imenovanja Gradskog vijeća Grada Sarajeva održane 19.05.2022. godine.

Na prijedlog Predsjedavajućeg, Komisija za izbor i imenovanja je jednoglasno usvojila sljedeći **dnevni red:**

1. Prijedlog Odluke o standardima i kriterijima za imenovanje pravobranioca i zamjenika pravobranioca Pravobranilaštva Grada Sarajeva
2. Javna rasprava na Nacrt Statuta Grada Sarajeva
3. Tekuća pitanja

TAČKA 1.

Prijedlog Odluke o standardima i kriterijima za imenovanje pravobranioca i zamjenika pravobranioca Pravobranilaštva Grada Sarajeva

Uvodno izlaganje je podnio predstavnik Predlagača.

U diskusiji su učestvovali svi članovi Komisije.

Članica Komisije za izbor i imenovanja, Biljana Lazarević je uputila sugestiju Stručnoj službi Gradonačelnice da se odredbe Odluke o standardima i kriterijima za imenovanje pravobranioca i zamjenika pravobranioca Pravobranilaštva Grada Sarajeva, u pogledu uslova koji se odnose na godine radnog iskustva nakon položenog pravosudnog ispita poveća sa 3 godine na 5 godina, tj. da



se usklade sa odredbama Zakona o pravobranilaštvu Kantona Sarajevo, te da se u čl. 6.,7.,9. i 10. navedene Odluke upotrebljava rodno senzitivni jezik, tj. da se umjesto imenica „gradonačelnica“ ili „gradonačelnik“ upotrebljava riječ „gradonačelnik/ca“.

Član Komisije za izbor i imenovanja, Adi Škaljić je zatražio od Stručne službe Gradonačelnice da provjeri usklađenost odredbi Odluke o standardima i kriterijima za imenovanje pravobranioca i zamjenika pravobranioca Pravobranilaštva Grada Sarajeva i Zakona o pravobranilaštvu KS u pogledu radnog iskustva poslije polaganja pravosudnog ispita.

Predsjedavajući Komisije za izbor i imenovanja, Nihad Uk je predložio Stručnoj službi Gradonačelnice da se u čl. 7. st. 2. Odluke o standardima i kriterijima za imenovanje pravobranioca i zamjenika pravobranioca Pravobranilaštva Grada Sarajeva doda „imenuju pravnici“, tj. da se tekst čl. 7. st. 2. Odluke izmijeni tako da glasi: „(2) Komisija iz stava (1) ovog člana se sastoji od pet članova i prilikom imenovanja članova komisije gradonačelnica Grada Sarajeva će voditi računa o tome da članovi komisije budu 4 lica koja poznaju odredbe Zakona o ministarskim, vladinim i drugim imenovanjima i koja posjeduju stručno znanje u oblastima za koju se vrši imenovanje, odnosno da se imenuju pravnici.

Nakon rasprave i sažetka predsjedavajućeg, Komisija za izbor i imenovanja je jednoglasno usvojila sljedeći **zaključak**:

Komisija za izbor i imenovanja sugeriše Gradskom vijeću da razmatra Odluku o standardima i kriterijima za imenovanje pravobranioca i zamjenika pravobranioca Pravobranilaštva Grada Sarajeva kako je I predložena uz uvažavanje upućenih sugestija.

TAČKA 2.

Javna rasprava na Nacrt Statuta Grada Sarajeva

Uvodno izlaganje je podnijela predstavnica Predlagača.

Nakon rasprave i sažetka predsjedavajućeg, Komisija za izbor i imenovanja je jednoglasno usvojila sljedeći **zaključak**:

Komisija za izbor i imenovanja nema primjedbi, prijedloga ni sugestija na Nacrt Statuta Grada Sarajeva.

TAČKA 3.

Tekuća pitanja

Komisija za izbor i imenovanja predlaže predsjedavajućem Gradskog vijeća Jasminu Ademoviću da u što skorije vrijeme uputi materijal na temu izmjene Odluke o uslovima i načinu dodjele „Šestoaprilske nagrade Grada Sarajeva“ kako bi se sjednica Komisije za izbor i imenovanja održala najkasnije do kraja ovog mjeseca.

PREDSJEDAVALJUĆI KOMISIJE

Nihad Uk, s.r.

Predsjedavajući Komisije je u 14.30 sati zaključio rad 29. sjednice Komisije za izbor i imenovanja.